



ADolphus cū fratre Eberhardo Heinrici Aucupis Cæsaris aulam secuti sunt, ut rerum experientiam acquirerent. Tum enim principum aula nobilium scholæ & Palestræ æstimabātur. Cum itaque duo illi iuuenes uirtutibus uarijs, omnes alios superarent, Cæsar ipsis partem aliquam Vuestphaliæ dono dedit. Ibi arces aliquot, & inter eas Aldenburgum ædificarunt, atque eam regionem suis uirtutibus plurimum exornarunt. Id cum Cæsar cognouisset, Adolphum comitem Altenne cōstituit, Eberhardum uerò Bergensem comitem esse iussit. Eberhardus uerò pietate motus, monachus factus est, atq; suam ditionem fratri Adolpho dono dedit.

Adolphus itaq; utrunq; comitatum magna dexteritate gubernauit, atq; eos moriens, suæ posteritati reliquit, donec tandem Bergensis comitatus ad Iuliacenses duces deueniret, qui etiamnum magna prudentia ibidem rebus moderantur. Monst. lib. 3.